

Shop Drawing Course

Eng/ Mohamed Emam

يفضل مشاهدة المحاضرات قبل قراءة الملخص

<https://youtube.com/playlist?list=PLxNbro6QtRYs0oEvaQJrHRzNCDrNS-oTK>



فهرس المحتويات

- 3 Block Replacing استبدال البلوكات الخطوة الاولى- محاضرة 22
- 12 Between Wiring التوصيل بين البلوكات الخطوة الثانية- محاضرة 23
- 19 Home Run التوصيل حتى اللوحة ال- محاضرة 24
- 26 Pull boxes & Tags وضع علب السحب والمشاورات الخطوة الرابعة والخامسة - محاضرة 25
- 36 Hatch Marks& Dimensions وضع علامات الأسلاك والأبعاد الخطوة السادسة والسابعة - محاضرة 26
- 50 Cable Tray & Cable Trunk Shop Drawing محاضرة 27

22 مجاضرة

Shop drawing

الخطوة الأولى: استبدال البلوكات Block Replacing



<https://youtu.be/mc6T2ow9sO4>

الخطوة الرابعة

وضع علب الترييح Pull Boxes وعلامات تقاطع المواسير Cutting

الخطوة الخامسة

وضع المشاورات Tags لكل لينية وتوضع عند بداية اللينية وعند تغيير المواسير

الخطوة السادسة

وضع علامات الاسلاك Hatch Mark

الخطوة السابعة

وضع الأبعاد Dimension

لوحات الـ Shop Drawing

ويمكن تسميها لوحات الورشة او اللوحات التنفيذية وهي عبارة عن لوحات فيها كل التفاصيل التي يحتاجها مهندس الموقع عشان ينفذ اللوحات في الموقع بشكل صحيح

خطوات عمل لوحات الـ Shop Drawing لأي نظام في الدنيا:

الخطوة الأولى

استبدال البلوكات او اضافة Ceiling box والـ Back box

الخطوة الثانية


الربط بين المكونات Between Wiring

الخطوة الثالثة

التوصيل حتى اللوحة الـ Home Run



Ceiling box Type



T Type



L Type



I Type



O Type



EMT X Type



H Type



X Type



Y Type



أحيانا يتم استخدام (X Type) في المشروع كله لتسهيل عملية الحصر، الفتحات الزيادة بتتسد بماسورة صغيرة وبيتلف عليها شكرتون او بلاستر

الخطوة الأولى

استبدال البلوكات او اضافة Ceiling box و Back box

بحظه في الحيطه

بحظه في السقف

لوحات الديزاين (انارة - سوكت - تكييف - تيار خفيف) مش معموله بالتفصيل فاحنا في كل خطوة هنتعلم ازاى نعمل لوحات Shop Drawing بشكل صحيح وبكل التفاصيل اللي تخيلني اقدر انفذ اللوحات في الموقع بشكل صحيح

مبدئيا كدا هنعبر ال Ceiling box هوا العلبة اللي بتتخط في السقف وال Back box العلبة اللي بتتخط في الحيطه، ودول اللي بعمل منهم التوصيلات للكشافات والبرايز



هنبداً بال Ceiling box



بستخدمه في السطح البارز Exposed والغطاس Embedded ، فيه منه انواع بستخدمها على حسب مسار المواسير والانواع دي فيه منها PVC و EMT



استبدال البلوكات ودي يتم بكذا طريقة (هنشتغل علي لوحات الانارة):

02

الطريقة الاولي:
بستبدل بلوكات الكشافات ببلوكات جديدة فيها
الكشاف بال Ceiling box عن طريق ليسب تبديل
البلوكات (مش هنشتغل بالطريقة دي حاليا)



الطريقة الثانية:
هعدل في البلوكات الموجودة من امر Block Editor
وهضيف عليها ال Ceiling box (في سنتر الكشاف
رسمنا دايرة ورسمنا خطين عموديين على بعض
ولفينا الدايرة والخطين 45 درجة كأنا عملنا Ceiling
box من نوع X-Type) هننقل ال Block Editor
وهنحفظ التغييرات وفي كل مرة هنكتب جمب
الكشاف نوع ال Ceiling box (... 0-1) على حسب
المسار، هتنسخ ال Ceiling box بـ CTRL+Shift+C
وهنلزمه بـ (CTRL+V) في كل انواع الكشافات



الخطوة الأولى

استبدال البلوكات او اضافة Ceiling box و Back box

خطوات التنفيذ على الكادر

01 في كل لوحات ال Shop Drawing سواء (انارة - سوكت - تكييف - تيار الخفيف) هعمل Layer جديدة وهلونها 252 وهنقل عليها المعماري وهقفلها Lock

ملحوظة

لما بقفل اي Layer لونها بيبقا باهت شوية وعشان اتحكم في درجة البهتان هدوس على ال Layer Properties وهدوس على ال Layer اللي عايز اتحكم فيها وهدوس على ال Setting (رمز الترس) وهخلي ال Fading بتاع ال Layer المقفولة زي مانا عايز (50% حلو)



Lock and fade

Locked Layer Fading 50%

Off

الطريقة الثانية هضيف الـ Dynamic Ceiling box جوة بلوك الكشاف وهخلي الكشاف هوا الـ Dynamic Block ازاللي؟؟؟ ✓

هنسخ الـ Dynamic Ceiling box الـ Dynamic Block من الكشاف وهفتح بلوك الكشاف من Visibility من القائمة Editor وهدوس على Visibility من القائمة على الشمال وهختار كورنر الكشاف (دا السهم اللي هيظهر بعد كدا جنب الكشاف وهختار منه شكل الـ Ceiling box O ولا X الخ)






الخطوة الأولى

استبدال البلوكات او اضافة Ceiling box والـ Back box

خطوات التنفيذ على الكار



الطريقة الثالثة لاستبدال البلوكات: هنشغل بالـ Dynamic Block ، ودا ليه طريقتين في الشغل الطريقة الاولي: ممكن توزع الـ Dynamic Ceiling box على الكشافات من برة (هتعدي عليهم واحد واحد) وبعد كدا هتدوس على السهم اللي جنب الـ Dynamic Block وهختار نوعه (U,Y,H....) على حسب مسار المواسير ✓



1 Type=2 Way Through

من السهم اللي فوق (جمب Visibility States) هختار O TYPE حلو، حلو، فاكرين الـ Dynamic Ceiling box اللي نسخناه قبل كدا هلازقه في سنتر الكشاف وهخلي نوعه O-TYPE (اللي هوا ONE END) بعد كدا هفجر الـ Ceiling box من X+ENTER عشان الغي منه الـ Visibility متنساش خليناها على الكشاف نفسه) وبعد كدا هحدد الـ Ceiling box كله وهدوس على Make Visible

هكمل بنفس الطريقة، تعالوا نعمل X TYPE ، من السهم اللي فوق هختار X TYPE وهلزيق الـ Dynamic Box في سنتر الكشاف وهخلي نوعه المرادي X-TYPE (FOUR WAY) ، هفجر البلوك من X+ENTER وبعد كدا هحدده كله وهدوس Make Visible وبعد ما خلص خالص هدوس Close Block Save Editor وهحفظ التغييرات The Change وهجرب اللي عملته





الخطوة الأولى


استبدال البلوكات او اضافة Ceiling box والـ Back box

خطوات التنفيذ على الكار

بعد كدا هدوس على Visibility States من القائمة اللي فوق وهبدأ ادخل اسماء الـ Ceiling box اللي هشتغل بيها ، هعمل Rename لأول واحد وهخلي اسمه مثلا (O-TYPE) وهعمل واحد جديد New وهسميه (X-TYPE) وهكذا





بعد كذا هروح على قائمة Action وهدوس Rotate
 وهددد ال Parameters اللي هوا خط الزاوية الازرق
 بعد كذا هدد ال Object اللي عايز أله فهدد
 الكشاف وهدوس Enter وبس كذا (هوا انا قولت
 انها طريقة سهلة ربنا يسامحنى 😊)



اخر حاجة دوس Close Block
 واحفظ التغييرات Editor
 Save The Change وجرب اللي
 عملته ، دوس على الكشاف
 هتظهرلك الدائرة دوس عليها
 ولف الكشاف براحتك

الخطوة الأولى

استبدال البلوكات او اضافة Ceiling box و Back box



ملحوظة

لو عايز تعمل Rotation
 للبلوك بطريقة سهلة
 هفتحه في ال Block editor
 ومن Parameters هختار
 Rotation وهددد سنتر
 الكشاف ك Base Point
 وهددد ال Radius دا المكان
 اللي هتظهرلي فيه الدائرة
 اللي هلف منها الكشاف
 هبعد شوية عن الكشاف
 وهدوس كليك وهرجع
 لنفس النقطة (عايزه يلف
 360 درجة) وهدوس Enter



نرخل على الـ Back box



بستخدمه وارا البرايز سواء (بور - داتا - تليفون - تليفزيون) وورا المفاتيح Switches
 ليه ابعاد مختلفة (7*7 cm) او (7*10 cm) او (7*14 cm) ودا بحدده بناء على نوع البريزة لقمة واحد ولا لقمتين ولا ثلاثة ... فيه منه PVC و EMT (دا بستخدمه مع مواسير الـ EMT)



الخطوة الأولى


استبدال البلوكات او اضافة Ceiling box و الـ Back box




خطوات التنفيذ على الكار

هنعمل باقي اللوحات (تكييف ، تيار خفيف) وهنشوف مين محتاج Ceiling Box وهنحطله

حطينا Ceiling Box لـ :

مفتاح التكييف اللي في السقف Ceiling Disconnect Switch (دا بيكون للصيانة)، وحطينا للـ Detector في نظام الفاير وللكاميرات في نظام المراقبة





الخطوة الأولى

استبدال البلوكات او اضافة Ceiling box و Back box

خطوات التنفيذ على الكار

عملنا رمز الـ Back Box مستطيل وفيه خطين ، ركبنا الـ Back Box للكشافات اللي راكبة على الحيطة وللمفاتيح اللي هتتور الكشافات دا في لوحات الانارة

ركبنا Back Box للبرايز في لوحات البور (السوكت) ولنقط الداتا والتليفون والتليفزيون في لوحات التيار الخفيف

وبالنسبة للوحات الفاير ركبنا Back Box الـ Control & Monitor Module وفي نظام الـ Access Door ركبنا Back Box الـ Card Reader و الـ Exit Push Button

ملحوظة (1) : في انظمة التيار الخفيف وخاصة الـ Access Door يفضل ان اتانسق مع المورد عشان احدد ابعاد الـ Back Box لانه بيختلف من مصنع للتاني

ملحوظة (2) مش بحط الـ Back Box الـ Floor Box - الكاسر - الـ Electric Out Let - Door Lock - الـ السرينة

23 مجازة!

Shop drawing

الخطوة الثانية: التوصيل بين البلوكات Between Wiring



<https://youtu.be/gtfJZwcEKYg>

الربط بين المكونات Between Wiring

خطوط البولي لاين او الـ Arc اللي في الديزاين دي
المواسير اللي بيتسحب فيها الكابلات وانوعها كالاتي:

1

المواسير البلاستيك
Polyvinyl Chloride Conduits (PVC)



2

خراطيم بلاستيك
Pliable Conduits



3

مواسير معدن
Electrical metallic Tubing (EMT)




4

مواسير مرنة
Flexible Conduits



5

مواسير صلب
Rigid Galvanized Steel (RGS)



الخطوة الثانية

الربط بين المكونات Wiring Between

مواسير بلاستيك PVC

Polyvinyl Chloride Conduits

المواسير البلاستيك او الـ Polyvinyl Chloride Conduits تستخدمها مدفونة في الخرسانة Embedded In Slab او فوق السقف الساقط Above False Ceiling او مدفونة في الارض Under Finishing Floor ومشم تستخدمها خارجية Exposed عشان مش بتتحمل العوامل الجوية ودرجات الحرارة العالية



مدفونة في الخرسانة Embedded

فوق السقف الساقط



فوق السقف الساقط



مدفونة في الارض

معناها اللفة فيها 34 ماسورة وطول الماسورة 3 م

MEDIUM GAUGE

Item	Code	Size	Thickness	Standard Roll	Unit	L.E
مواسير	NGC/M20	20 MM	1.55	34×3	لفة	457.00
مواسير	NGC/M25	25MM	1.80	20×3	لفة	419.00
مواسير	NGC/M32	32 MM	2.10	15×3	لفة	408.00
مواسير	NGC/M40	40MM	2.30	10×3	لفة	367.00
مواسير	NGC/M50	50 MM	3.00	5×3	لفة	283.00

HEAVY GAUGE

Item	Code	Size	Thickness	Standard Roll	unit	L.E
مواسير	NGC/H20	20 MM	1.80	34×3	لفة	528.00
مواسير	NGC/H25	25MM	1.90	20×3	لفة	437.00
مواسير	NGC/H32	32 MM	2.50	15×3	لفة	507.00
مواسير	NGC/H40	40MM	2.80	10×3	لفة	439.00
مواسير	NGC/H50	50 MM	3.40	5×3	لفة	334.00
مواسير	NGC/H63	63 MM	According to the type	5×3	لفة	408.00

من كتالوج شركة نيو ايجا للمواسير

الخطوة الثانية

الربط بين المكونات Between Wiring

تابع المواسير البلاستيك PVC

يحدد الماسورة من خلال (1) قطرها (20-25-32 -
50-40 مم) يستخدم مواسير الـ 20 مم مع الانارة
والـ 25 مم مع السوكت

20مم = 3/4 بوصة 25مم = 1 بوصة 32مم = 1.25 بوصة 40مم = 1.5 بوصة 50مم = 2 بوصة


(2) من خلال سمكها فيه مواسير خفيفة Light Gauge ومتوسطة Medium Gauge وثقيلة Heavy Gauge ودي اللي يستخدمها اكثر وطبعاً اعلى

LIGHT GAUGE

Item	Code	Size	Thickness	Standard Roll	Unit	L.E
مواسير	NGC/L20	20 MM	1.30	34×3	لفة	390.00
مواسير	NGC/L25	25MM	1.45	20×3	لفة	344.00
مواسير	NGC/L32	32 MM	1.70	15×3	لفة	332.00
مواسير	NGC/L40	40MM	2.10	10×3	لفة	339.00
مواسير	NGC/L50	50 MM	2.85	5×3	لفة	245.00

عايزين نعمل المسارات (المواسير) بين الكشافات هشوف طبيعة المبنى هيتبني فمعمل شغلي Embedded ولا قائم Exist وهعمل شغلي فوق السقف الساقط ، البنك اللي شغالين عليه Exist فشغلي هيبقا فوق السقف الساقط Above False Ceiling فهنشتغل بمواسير PVC ثقيلة Heavy Gauge مقاومة للحريق قطرها 20 مم في حالة الانارة و25 في البرايز

خطوات التنفيذ على الكار



هنبدأ بالانارة: هعمل Layer للماسورة وهلونما ومن Line Type هميزر الخط بتاعها هعمله داش ، وفي ال Legend هو وصف نوع الخط بنوع الماسورة وقطرها وسمكها ، هعمل بولي لاين وهوصل الكشافات ببعض في شكل Loop (مش هتلت)

خلي اول كشف هوا اقرب كشف للوحة ووصل المفتاح باقرب كشف

اعمل Fillet بين المواسير ، ولو Fillet علق حدد الخطين واكتب Flatten ودوس Enter مرتين ، وارجع اعمل Fillet ثاني

مش شرط تمشي زي الديزاين (في توصيل نفس اللينية) لو فيه حاجة افضل اعملها

امشي بالماسورة رأسي وافقي متعملش ميول

الخطوة الثانية

الربط بين المكونات Between Wiring

Pliable Conduit

خراطيم بلاستيك

بستخدمها مدفونة في الخرسانة Embedded in slab ceiling في الارض تحت التشطيب Under Finishing Floor

اللفة 45 م

Item	Code	Standard(m)	Size	colour	unit	L.E
خرطوم نيو ايجا مقاوم للحريق	1213	45 m	13 MM	White	لفة	200.00
خرطوم نيو ايجا مقاوم للحريق	1216	45 m	16 MM	White	لفة	267.00
خرطوم نيو ايجا مقاوم للحريق	1219	45 m	19 MM	White	لفة	340.00
خرطوم نيو ايجا مقاوم للحريق	1223	45 m	23 MM	White	لفة	423.00
خرطوم نيو ايجا مقاوم للحريق	1229	45 m	29MM	White	لفة	677.00
خرطوم نيو ايجا مقاوم للحريق	1236	22.5 m	36 MM	White	لفة	480.00
خرطوم نيو ايجا مقاوم للحريق	1248	25 m	48MM	White	لفة	606.00



مواسير معدن EMT

Electrical metallic Tubing

بستخدمها بارزة Exposed في حالة المبنى بتاعي قائم بالفعل Exist ومش هعرف اعمل سقف ساقط وبستخدمها مع نظام انذار الحريق Fire Alarm سواء Exposed او فوق السقف الساقط




الخطوة الثانية

الربط بين المكونات Between Wiring

خطوات التنفيذ على الكار

بالنسبة لـ Between Wiring البرايز :
بتمشي على حسب ظروف كل مشروع يعني ممكن تمشي في الحيطه من الاول للآخر او تمشي شوية في الحيطه وبعدين تمشي في السقف او تمشي شوية في الحيطه وبعدين تمشي في الارض ، لو هتمشي في الارض المواسير لازم تكون Heavy Gauge وفي التنفيذ هحط عليها طبقة اسمنتية عشان تستحمل الاحمال الميكانيكية

هنمشي بالماسورة في الارض ، هعمل Layer جديدة وهختار نوع خط مختلف للماسورة وهو وصفه في ال Legend





مواسير صلب RGS

Steel Galvanized Rigid

مواسير قوية تستخدمها بارزة Exposed في الاماكن
الخطرة Hazard area وفي اوض الكهرباء والميكانيكا لو
المبني قائم (اما لو لسة هبنيه ممكن أجبها PVC وهمشي
بيها جوة الخرسانة Embedded in slab ceiling)

خطوات التنفيذ على الكار

هعمل Layer جديدة لمواسير الـ RGS وهختارلها لون ونوع
خط مختلف، هعمل توصيلات الكشافات والبراير في اوض
الكهربا والمولد بمواسير RGS وهتكون بارزة هي والـ Box

فيه مواسير PVC داخلة على اوضة
الكهربا اللي فيها مواسير RGS
هعمل ايه؟؟ غالبا يستخدم بوكس
RGS ويربط عليه الماسورتين، احيانا
بقا الاستشاري بيطلب استخدام
بوكسين بوكس PVC وبوكس RGS
عشان يضمن ان المواسير تكون
قافلة كويس على البوكس بتاعها




الخطوة الثانية

الربط بين المكونات Between Wiring



Flexible Conduits

مواسير مرنة



بعمل بيها نزلات
الكشافات واي حاجة
بتحتاج مرونة، فيه
منها نوعين: بلاستيك
PVC ومعدن EMT، الـ
PVC تستخدمها في
نزلات الكشافات الخ..
والـ EMT تستخدمها
في نزلات الحريق

نزلة كشافات - ماسورة مرنة PVC
نزلة حريق - ماسورة مرنة EMT

مجانسة 24

Shop drawing

الخطوة الثالثة: التوصيل حتى اللوحة الـ Home Run



<https://youtu.be/rr9gHkoRMZI>

ال Home Run

خلاصة اللي فات اشتغلنا على لوحات الانارة والسوكت والتكليف والتيار الخفيف وعملنا الـ Between Wiring ووصلنا الكشافات ببعض والبرايز وبعض الكاميرات ببعض الخ... فاضل اننا نوصل (الكشافات - البرايز - الكاميرات الخ..) باللوحه ودا اسمه Home Run **مين جات التسمية؟** بداية اللينية بتكون من اللوحه فبنعتبرها بيتها Home فمن هنا جات تسمية الـ Home Run وهوو المسافة من اللوحه لحد اول الكشاف او البريزه



قبل الصبة



بعد الصبة

مسار لينية الانارة سواء الـ Between و الـ Home Run غالبا بيكون في السقف سواء مدفون او بارز Embedded او فوق السقف Exposed السقف الساقط Above False ceiling

ملحوظة:

بعض الشركات بتعمل مواسير الـ PVC ملونة زي New Ega ومصطفى محمود فمممكن تجيب مواسير اللينيات (انارة - سوكت - تكليف - تيار خفيف) كل واحدة بلون عشان تميزهم بسهولة بس دا هيتعبك في الحصر او لو كمية لون معين خلصت هتضطر اتشكل او تشتري جديد، وممكن تجيبهم كلهم لون واحد وتميزهم بسبراي الوان كل دا بتضبطه مع الاستشاري

خطوات التنفيذ على الكار (انارة)

هنكمل في لوحه الانارة يفضل ان انا امشي بلينيات الـ Home Run في الكوريدور لسهولة الصيانة وخلافه، هنشتغل بمواسير PVC، هعمل Guide line من اول لوحه الـ DB-G وهمشي بيه في الكوريدور عشان اعرف الطريق وانا ماشي بلينيات الـ Home Run

هبدأ باللينيات البعيدة ثم الاقرب وهاخذها من اول او اخر كشاف على حسب اقربهم للوحه، هطلع باللينية وهقف عند الـ Guide line، حاول تجمع اللينيات جمب بعض وخلي المسافة بينهم 50-100-150 مم اشتغل بامر (Offset (0+ENTER عشان تضبطهم

خطوات التنفيذ على الكار (انارة)

بجمع اللينيات

كرنا ال Guide line

عملنا Fillet


وصلنا كل اللينيات باللوحه

Home Run ال

خطوات التنفيذ على الكار (انارة)

بعد كذا هكرر ال Guide line شمال ويمين بعدد اللينيات اللي عندي بامر Offset وهخلي المسافة بين المسارات 50 مم او اكثر (عشان تبان في الطباعة) وهعمل Fillet بين الماسورة اللي جاية من الكشاف وبين ال Guide line اللي كررته (متعملش Crossing بين اللينيات) وبكدا عملنا ال Home Run ووصلنا الكشافات باللوحه

لتسهيل الشغل ممكن تعمل Fillet Multiple بدل ما كل مرة بتدوس F+ENTER ، وممكن تعمل Flatten للخطوط مرة (حدداهم بـ Select Similar)




خطوات التنفيذ على الكار (تكييف)



هنعمل الـ Home Run للتكييف بنفس الخطوات اللي فاتت، هاخذ كل مفتاح Disconnect Switch على لينية منفصلة وهوصله بلوحة DB-AC-G

لما المواسير بتكون كتيرة بعمل تجميع على الكاد عشان اقلل زحمة الخطوط ودي ملهاش دعوة بالواقع، هعمل Arc وهحطه على المواسير (هجمع عليه 4-5-6 مواسير) وهطلع منه بماسورة واحدة رايحة على اللوحة (هقص المواسير الزيادة بـ Trim (T+ENTER)، هغير سمك الماسورة اللي بعد الـ Arc هدوس CTRL+1 وفي الـ Global Width هكتب 10 وفي خطوة المشاورت هبين ان الخط دا عبارة عن 6 مواسير مثلا



الـ Home Run

خطوات التنفيذ على الكار (سوك)


زي مقولنا قبل كذا المناولات Between بين البرايز وبعضها بتكون مدفونة في الحيطه أو في الأرض وأحيانا في السقف، اما الـ Home run بتاع البرايز غالبا بيكون في السقف واهيانا بيكون في الارض ويبدخل على اللوحة من تحت (لازم تاخذ بالك من التفاصيل دي عشان تصيع اللوحة)



هنعمل الـ Home Run في الارض بنفس خطوات الانارة، وهنشغل على نفس لوحة الانارة DG-B

خطوات التنفيذ على الكار (كاميرات المراقبة)

كل كاميرا واخدة كابل CAT6 فعمل ماسورة لكل كاميرا وهجمعهم على راك الكاميرات في الدور الارضي ، كاميرات الدور الارضي هوصلهم مباشرة بالراك وهعمل Shaft هجمع عليه كاميرات الدور الاول خد بالك ال Shaft دا همشي فيه كل انظمة التيار الخفيف




بالنسبة لل Shaft يفضل يكون على الحيطه ، عملنا مستطيل في الدور الارضي ونسخناه CTRL+C واخترنا Base Point العمود ولزقناه CTRL+V في الدور الاول وحددنا نفس ال Base Point ووصلنا عليه الكاميرات وبعد كذا وصلنا ال Shaft اللي في الدور الارضي بالراك

الخطوة الثالثة

Home Run ال

طريقة Shift



طريقة Stretch




ملحوظة


لو عايز تحرك كذا خط مع بعض حددهم ودوس Shift والعلامة الزرقا اللي في الخط وشيل ايدك من Shift وحركهم

او ممكن تعملهم ب Stretch دوس (STR+ENTER) وحدد الخطوط اللي عايز تحركها من اليمين للشمال (حددها بالانحناءات Pending عشان تتحرك بيها) ودوس ENTER ودوس كليك وحرك الخطوط (لو فيه حاجة اتحدت معاك بالغلط دوس Shift ودوس على الحاجة دي عشان تتلغي)

خطوات التنفيذ ع الكار (نظام التحكم في الابواب)



في نظام الـ Access Door الـ Card Reader والـ Door Lock والـ Exit Pushbutton هياخدوا كابل CAT6 ممكن اعمل كل واحد في ماسورة او امشي كابل الـ Card Reader مع كابل الـ Exit Pushbutton في نفس الماسورة، هتعمل Home Run للدورين (بالنسبة للدور الاول همشي المواسير في نفس الـ Shaft اللي عملناه للكاميرات انسخه وحطه في نظام الـ Access Door




نظام الراتا

هنعمله بالـ Cable Trunk
هنشرحه في اخر محاضرة

الخطوة الثالثة

الـ Home Run

خطوات التنفيذ على الكار (نظام اذار الحريق)



لو ديزاينز نظام
اذار الحريق Fire
Alarm معمول
كويس بتعتمده
في الـ Home
Run ولو مش
معمول هتعمله

25 مجازة


Shop drawing

الخطوة الرابعة والخامسة: وضع علب السحب
والمشاورات Pull boxes & Tags




https://youtu.be/iisOzf5B_Kc

خطوات التنفيذ على الكار (انارة)



هقيس 15م ولو الانحناءة كانت قريبة هعمل عندها الـ Pull Boxes وبكدا ضربت عصفورين بحجر واحد خلصت من الانحناءات وفي نفس الوقت قصرت طول اللينية وبالتالي سحب السلك هيكون اسهل




شيك على باقي اللينيات وشوفها لو محتاجة الـ Pull Boxes ثاني ولا ، طالما سلامت للكشاف فانت مش محتاج تعمل الـ Pull Boxes لان المسافة بين الكشاف والثاني مش هتعدى الـ 15 متر واصلا الـ Ceiling/Back Box بريح فيهم السلك فيعتبروا الـ Pull Boxes

الخطوة الرابعة


وضع علب التريخ Pull Boxes وعلامات تقاطع المواسير Cutting



علب السحب او التريخ او البواط Pull Boxes بحطها عشان اريح السلك واعرف اسحبه لو طول الماسورة زاد عن 15 متر او بحطه عند تالت انحناء (او تكريب) او لو غيرت نوع الماسورة من (RGS / EMT PVC) والعكس وبحطه عند لوحات الكهرباء




بواطات تريخ




بواطات تريخ كبيرة

وضع علامات تقاطع المواسير Cutting



لما ماسورة بتعدي على ماسورة بعملها Cutting في التصميم والـ Shop drawing عشان اوضح انهم معديين فوق بعض ، وده شكل التقاطع في التنفيذ

هعمل Dynamic Block لعلامة الـ Cutting بحيث تكون اسهل في الشغل هعمل ARC وهنسخه وهعمله Mirror، هنسخ الشكل اللي عملته وبعد كذا هحدداهم وهعملهم بلوك (B+ENTER) وهعمل الـ Pick Point في النص هدوس Shift وكليك يمين وهختار Mid Between 2Point




الخطوة الرابعة



وضع علب التريخ Pull Boxes وعلامات تقاطع المواسير Cutting

خطوات التنفيذ على الكار (سوك)

بالمثل هنعمل لوحات السوك والتكليف والتيار الخفيف هقيس 15 متر وهسط Pull Boxes ولو الانحناءة كانت قريبة هعمل عندها الـ Pull Boxes



عايز اضيف علامة المسطرة بحيث اتحكم في المسافة بين علامتين الـ Cutting اضيقها ووسعها براحتي، من قائمة Parameter هختار Linear وهدوس V+ENTER وهختار Increment او هدوس I+ENTER هزود كل مرة 100 هكتبها فال Distance Increment وهدوس وENTER واقل قيمة 100 هكتبها في الـ Minimum Increment وهدوس وENTER واكبر قيمة 100000 هكتبها في الـ MAX Increment وهدوس وENTER بعد كذا هحدد الـ Distance هدوس كليك في نص علامة الـ Cutting الاولي وهمشي ناحية علامة الـ Cutting الثانية وهدوس كليك في نصها وبعد كذا هطلع لفوق






الخطوة الرابعة

وضع علب التريخ Pull Boxes وعلامات تقاطع المواسير Cutting


وضع علامات تقاطع المواسير Cutting

عايز اعمل خاصية المحاذاه بحيث اغير اتجاه علامة الـ Cutting افقي ورأسي على حسب اتجاه الماسورة اللي هعملها Cutting ، هدخل في البلوك من جوة من (Cutting Block) هعدل فيه ، من قائمة Parameter هختار Alignment وهعملها جنب سنتر الشكل هدوس كليك وهدرك يمين عشان اتجاه المحاذاه يطلع مضبوط





آخر خطوة هدوس
وهحفظ التغييرات Save The Change



ودا الشكل النهائي
للا Cutting Dynamic Block









الخطوة الرابعة

وضع علب التريخ Pull Boxes وعلامات تقاطع المواسير Cutting

وضع علامات تقاطع المواسير Cutting

عايز احرك علامتين ال Cutting اضيقها ووسعها، من قائمة Action هختار Stretch هيطلب مني احدد ال Parameter فهدوس على Distance ويطلب مني احدد ال Start Point لعلامة ال Cutting الاولي فهدوس على السهم اللي ظاهر في نصها وبعد كذا هيطلب مني احدد ال Frame فهدوس على علامة ال Cutting الالين حوالين علامة ال Cutting الاولي وبعد كذا هحدد علامة ال Cutting الاولي (هدوس عليك على الجزء اللي فوق وكيك على الجزء اللي تحت) وهدوس Enter هكرر نفس الخطوات بداية من Stretch لعلامة ال Cutting الثانية





1

2

3

بالمثل

في باقي البلان والانظمة



الخطوة الرابعة

وضع علب التريخ Pull Boxes وعلامات تقاطع المواسير Cutting

وضع علامات تقاطع المواسير Cutting

هعمل Cutting لاي مواسير معدية فوق بعض او معدية فوق كشافات - كاميرات - Floor Box الخ...، (سواء كانت مواسير الـ Between Wiring او مواسير Home Run)


خطوات التنفيذ على الكار (انارة)

مثال: فيه ماسورة افقية معدية على مجموعة مواسير رأسية قدامك خيارين: يا هتعمل Cutting للماسورة الافقية او هتعمل Cutting لمجموعة المواسير الرأسية ودا في حالة لو الشكل الجمالي هيبوظ، سواء عملت كدا او كدا في الموقع هيعملوا تكريب للعدد الاقل، المهم في المثال دا هنعمل Cutting للماسورة الافقية هحط علامة الـ Cutting عليها وهخليها في نص المواسير الرأسية وهسحب السهم يمين وشمال نفس المسافة عشان الشكل الجمالي وهعمل Trim للزيادات من TR+ENTER، هتكمل بنفس الطريقة ولو المواسير اللي هتعملها Cutting كثيرة كرر (انسخ) علامة الـ Cutting

مشاور

في معظم المشاريع
لينية الانارة بتأخذ 3
اسلاك (فازة ونيوترال
وارث) ومساحة مقطع
السلك 3مم² والسلك
غاس والعزل PVC

اسم اللوحة رقم اللينية لون الفازة



قطر الماسورة نوع الماسورة



الخطوة الخامسة

وضع المشاورات Tags لكل لينية

بعمل المشاورات Tags اول ما بطلع من اللوحة
وفي بداية اللينية ولو غيرت نوع الماسورة وفي
تجميعات المواسير، المشاورة بتتكون من :



1 اسم اللوحة ورقم ولون اللينية (الفازة)

2 عدد وتوصيف الاسلاك المستخدمة

3 قطر ونوع الماسورة وأي معلومات مهمة

بجيب المعلومات دي من الـ Panel Schedule

لما بعمل مشاوره من Leader الخط والاسهم بتكون صغيرة بظبط خصائصها من CTRL+1، بغير شكل السهم من Arrowhead وحجمه من Arrowhead Size وبغير نوع الخط من Text Style وحجمه من Height الخ...






الخطوة الخامسة

وضع المشاورات Tags لكل لينية

خطوات التنفيذ على الكار

بعمل المشاوره من Leader وممكن اعمل كذا مشاوره في نفس ال- Leader من Add Leader وبحذف من Remove Leader (بتحدداهم وبتدوس ENTER)






الخطوة الخامسة

وضع المشاورات Tags لكل لينة


خطوات التنفيذ على الكار

مشاورة Tag على لينة الانارة




خطوات التنفيذ على الكاب (انذار الحريق)

موصف اللوحة وكابل الفاير فرديتين 1.5 مم 2 والماسورة EMT 3/4 بوصة



خطوات التنفيذ على الكاب (Access Control)




الخطوة الخامسة

وضع المشاورات Tags لكل لينة

خطوات التنفيذ على الكاب (كاميرات مراقبة)

معديش لوحة معديش ألوان فازات هوا كابل CAT6 والماسورة وشكرا



بِسْمِ اللَّهِ الرَّحْمَنِ الرَّحِيمِ

المستعان


هل ينزاد

رجاءاً

الخطوة الخامسة

وضع المشاورات Tags لكل لينية

خطوات التنفيذ على الكاب (DATA)



26 محاضرة

Shop drawing


الخطوة السادسة والسابعة: وضع علامات الأسلاك والأبعاد
Hatch Marks & Dimensions




<https://youtu.be/WCg9Vj-oNjM>

وضع علامات الاسلاك Hatch Mark

بحط علامات Hatch Mark عشان افرق بين: فردة الكهرباء الحية (الفازة Phase) والراجع Return (الفازة الراجع من المفتاح) و الـ Neutral (بيقفل الدائرة) والارث Earth (للاحماية) وخط الديفياتير (مفتاح السلم)، السؤال بقا ازاى بوصل الاسلاك اللي طالعة من اللوحة بالمفتاح والكشافات؟ وازاى بعمل الـ Hatch Mark في الـ Shop Drawing؟



اللوحة طالع منها 3 اسلاك (فازة ونيوترال وارث)، هوصل الفازة بالمفتاح (عشان اتحكم في الكشاف انوره واطفيه، لو وصلتها مباشر بالكشاف هيفضل منور عطول)، المهم بطلع من المفتاح بسلك اسمه (الراجع Return) بدخله على الكشاف تمام؟ تمام، الدائرة كدا مفتوحة عايز اقفلها فبوصل الكشاف بالنيوترال، **وبوصل المفتاح والكشاف بالارث للحماية**



الفازة معدية (صائمة) على الكشافات

الفازة
نازلة ع
المفتاح

مفتاح

النيوترال داخل ع الكشاف

الراجع داخل ع الكشاف

بوصل الارث بالمفتاح والكشاف

ملحوظة: درجة لون الراجع اخف ودا للتوضيح على الرسم

نيوترال
فازة
ارث

اذن الكشاف بوصله بالراجع والنيوترال والارث
والمفتاح بوصله بالفازة والراجع والارث

خد بالك التلات اسلاك (الفازة والنيوترال والارث) بيمشوا مع بعض في نفس الماسورة وبيعدوا على الـ Ceiling Box بتاع الكشاف بس الفازة بتعدى (صائمة) يعني مش بوصلها بالكشاف بوصلها بالمفتاح والراجع هو اللي بوصله بالكشاف


الخطوة السادسة

وضع علامات الاسلاك Hatch Mark



هنا يكون فيه روزة للحام

الفارة معدية (صائمة) على الكشافات




مثال: عندي اوضتين متوصلين على نفس اللينة ، كل اوضة فيها 4 كشافات ومفتاح One way One Gang بيتحكم في الكشافات


اللوحة طالع منها 3 اسلاك (فازة ونيوترال وارث) ماشيين في نفس الماسورة من الاوضة الاولى للاوضة الثانية (عشان الاوضتين متوصلين على نفس اللينة)، توصيل للاوضة الاولى: هوصل الكشافات بالنيوترال والارث والراجع Return اللي جاي من المفتاح اما الفازة (فبتعدي صائمة على الكشافات)، بنزل على المفتاح بالارث والفازة والراجع Return اللي بوصله بالكشافات، توصيل للاوضة الثانية: مينفعلش ادخل عليها براجع المفتاح الاول لانه بكدا المفتاح هيتحكم في الاوضتين طب هعمل ايه؟؟ همشي عادي (بفازة ونيوترال وارث) والفازة هتعددي صائمة على الكشافات لحد المفتاح واللي عملته في الاوضة الاولى هعمله هنا وبس كذا ☺ اذن دخلة اي اوضة زي خرج اللوحة (فازة ونيوترال وارث)

خطوات التنفيذ على الكار (انارة)

هنشتغل بال Dynamic Block بتاع ال Hatch Mark هبدأ اوزعها على المفاتيح والكشافات



بداية اللينة
ورحلة الكشاف
Phase
Neutral
Earth



الخطوة السادسة

وضع علامات الاسلاك Hatch Mark

خلاصة ال
Hatch Mark
في الانارة

بداية اللينة ودخلات الاوض
فازة Phase ونيوترال
Neutral وارث Earth

نزلة المفاتيح Phase
Earth Return

دخلة الكشاف Return
و Earth و Neutral
الفازة صايمة معاهم لحد
نزلة المفتاح او للاوضة
الثانية لو اللينة متوصل
عليها اكثر من اوضة

Phase

Neutral


Earth

Return

Deviator

رموز ال Hatch Mark


Earthg Neutralg Phase بداية اللينية



الخطوة السادسة

وضع علامات الاسلاك Hatch Mark


خطوات التنفيذ على الكار (انارة)



الهاتش مارك بين الكشافات لو مش متوصل معاهم اوضة تانية هيبقا Earthg Neutralg Return ولو متوصل معاهم اوضة تانية هيبقا Earthg Neutralg Return g Phase

الخطوة السادسة

وضع علامات الاسلاك Hatch Mark



الكشافات A
واحدة Return
ونيوترال وارث



في المثال دا اللينية بتغذى اوضه فيها 4
كشافات بتحكم فيهم بمفتاح 2 Gang كل
لقمة بتحكم في كشافين توصيلة
المفتاح والاسلاك هتكون كالتالي:

هنزل على المفتاح بالارث وفازة بوصلها
باللقمة الاولي وهاخذ منها وصلة (كبري)
للقمة الثانية وهطلع من المفتاح باتنين
راجع Return (راجع لكل لقمة) همشيهم
في نفس الماسورة وهوصل كل راجع
بالكشافات بتاعته

الكشافات B واحدة
Return ونيوترال وارث
ومعدي معاهم صايم ال
Return بتاع الكشافات A
مش بلحمه هنا بلحمه في
الكشافات A اذن الاسلاك
اللي هنا 2Return
ونيوترال وارث



لو فكينا المفتاح وقلبناه


الخطوة السابعة

وضع علامات الاسلاك Hatch Mark



لو اللينة هتغذي اوضتين
مش اوضة واحدة وكل
اوضه فيها 4 كشافات
بتحكم فيهم بمفتاح
2Gang ايه اللي هيتغير؟؟؟

في الاوضة الاولى نفس
الكلام اللي فات في ال
Ceiling Box بتاع الكشافات
A هيعدي اربع اسلاك
(Return ونيوترال وارث
والفازة) (معدية صايمة لحد
المفتاح) وفي ال Ceiling
Box بتاع الكشافات B
هيعدي (نيوترال وارث
واتنين Return واحد بتاع
الكشافات B والثاني بتاع
الكشافات A وهنزود
عليهم الفازة اللي هتعددي
صايمة لحد الاوضة الثانية
(ودا الاختلاف)



الخطوة السادسة

وضع علامات الاسلاك Hatch Mark

خطوات التنفيذ على الكاب (انارة)

الابوضه فيها 4 كشافات ومستخدم مفتاح 2 Gang لقمتين ، لقمه هتتور الكشافات النورمال وعددهم ثلاثة ولقمه هتتور كشاف الطوارئ (متمش بالاحمر) واللينية اخرها هنا مش هتغذي ابوضه ثانيه

اذن الهاتش مارك كالتالي:

دخلة الابوضه Earth Neutral Phase نازل على الكشاف بـ Earth Phase وطالع منه بـ 2 Return حلو حلو ، الهاتش مارك بين الكشافات هيبقا Earth Neutral Return

ملحوظة:

كشافات الكوريدور بتحكم فيها عن طريق اللوحه فبخط هاتش مارك على بداية اللينية Earth Neutral Phase وبس

رموز ال Hatch Mark

Phase	⌚	Neutral	⌚
Earth	⌚	Return	⌚
Deviator	⌚		


الخطوة السابعة

وضع علامات الاسلاك Hatch Mark

في المثال دا اللينة هتغذي اوضتين فالقارة هتعدري (صائمة) على الكشافات لحد مفتاح الاوضة الثانية



لو دوست على المفتاح دا النور هينور ، ولو دوست عليه ثاني او لو دوست على المفتاح اللي هناك الريشة هتتدرك الناحية الثانية فالنور هيفصل فسواء دوست هنا او هناك تقدر تنور وتطفى النور من اي مكان



بخط مفتاح الـ Deviator عند السلم بحيث اطفي وانور من مكانين وممكن كمان احطه في اوضة النوم عشان لو حد مكسل يقوم يطفى النور ودي توصيلة المفتاحين

السلكين دول اسمهم Deviator ويفضل احطهم في ماسورة لوحدهم

ملاحظات

اي حاجة في الاناره ملهاش مفتاح زي الـ Exit sign او كشافات الكوريدور بيروحلها Phase و Earthg Neutral

كل المخارج (كشافات - براييز - مفاتيح فصل ...) بيروحلها خط أرضي Earth

مش بوصل Neutral لمفاتيح الإضاءة

لو استخدمت مفتاح لقمتين Two Ganges الراجع يكون فردتين بوزعهم طبقا للتصميم

بحط فردتين الديفياتير في ماسورة لوحدهم عشان اقلل عدد الاسلاك بين الكشافات

البراييز الـ Single بتاخذ Phase و Earthg Neutral والبراييز الـ 3Phase بتاخذ 3Phase و Earthg Neutral

مش بعمل Hatch Mark لأنظمة التيار الخفيف

اخذ بالي من عدد الاسلاك في المواسير واحسب الـ Filling Ratio



الخطوة السابعة

وضع علامات الاسلاك Hatch Mark

خطوات التنفيذ على الكار (سوكت وتكييف)

مفتاح التكييف والسوكت الـ Single Phase بياخدوا Earthg Neutral و Phase ولو 3Phase هياخدوا 3 فازات ونيوترال وارث

ملحوظة الـ Return بتاع مفتاح التكييف بيروح على التكييف واللي بيعمل التوصيله دي مهندس ميكانيكا مش احنا، احنا بنديله كهربيا وهوا بيعيش حياته



Lines Tab

Color : بغير لون خطوط الـ Dimensions

Line Type : بغير نوع الخط

Line Weight : بغير سمك الخط

المفاجأة بقا **Line Type** والـ **Line Weight** بخليهم زي ما هما **ByBlock** ☺

Extension Line : دول الخطين الصغيرين اللي في اخر الـ Dimensions ممكن اخفيهم (دوس في القربع check Box بتاع Ext1 & Ext2

Symbol & Arrow Tab

Arrow Heads : بختار شكل السهم غالبا بنشتغل بالـ Closed Field

Arrow Size : بغير حجم السهم بخليه 150

Text Tab

Text Style : بختار نوع الخط

Text Color : بغير لون الخط (الكتابة)

Text Height : بغير حجم الخط بخليه 150

Text Placement : بغير مكان النص افقي ورأسي ويفضل يكونوا **Centered**


Text Alignment : بغير محاذاة النص ويفضل يكون Horizontal هيكون اسهل في القراءة

بعد متخلص تظبيط الاعدادات دوس **OK**

الخطوة السابعة

وضع الأبعاد Dimension


اخر خطوط في الـ Shop Drawing هنحدد الابعاد على الرسم عشان التنفيذ ، اول حاجة هنعملها هنضبط ستايل الأبعاد Style Dimension بحيث اللوحة تكون مقرية وواضحة هدوس D+ENTER وبعد كذا هدوس Modify



Primary Unit Tab

Precision : بشيل الاصفار العشرية بختار صفر بس

Round Off : بيقرّب الرقم ، بعلمه 5 يعني لو الرقم طلعي 41 هيخليه 45 وهكذا (ممكن اقربه اكثر من 5)



هنيئداً بالكشافات، من القائمة التي فوق هدوس على Linear وهاخذ الابعاد من سنتر الكشاف للحيطه (رأسي وافقي)، الكشافات دي الـ X بتاعها ثابتة، الـ Y هي التي بتتغير فعمل X لكشاف واحد وععمل Y لكل ، هدوس Dimension و C+ENTER عشان اكرر الامر وفي نفس الوقت الابعاد هتكون ع استقامة واحدة

دوس Re و Enter واختار OK و PGP عشان الكاد يطبق التغييرات التي عملتها

اتأكد ان الـ D والـ DC مش متاخذين في اوامر تانية ولو متاخذين غيرهم في الاوامر التانية، اقبل واحفظ التغييرات Save

هخلي الـ D للـ Linear والـ DC للـ Continue (انسخ اي كود CTRL+C وانزل سطر جديد بـ ENTER والزقه بـ CTRL+V وعدل عليه)، الاختصار الجديد هيبقا كذا D, *DIMLinear DC, *DIMContinue



هضيف اختصار للـ Linear والـ Dimension و الـ Continue عشان تسهل الشغل، هدوس وهختار Manage و Edit Aliases و Edit Aliases تاني فهتظهر اختصارات الكاد

الخطوة السابعة

وضع الأبعاد Dimension


خطوات التنفيذ على الكاد (انارة)

بخط الابعاد Dimension (X و Y) لكل مخرج وباخذ الـ Dimension من الحوائط او الأعمدة الخرسانية لو المبني لسة متبناش




الـ Dimension ليه كذا شكل اكر حاجة بستخدمها الـ Linear، وبستخدم Angled لو الحيطه مايلة و Angular لو هقيس زاوية

خطوات التنفيذ على الكار (التكييف)




خطوات التنفيذ على الكار (كاميرات مراقبة)



وضع الأبعاد Dimension

خطوات التنفيذ على الكار (سوك)



ملاحظات

الـ Access Door
مش يحتاج
يتعمله ابعاد
ممكن ترسمه
Detail منفصله

بعمل
Dimension
Pull Box


لو غيرت أطوال
الكابلات احسب
الانخفاض في
الجهد V.D وبناء
على الحسابات
ممكن تضطر تغير
مساحة مقطع
الكابلات وبالتالي
هتعدل الـ SLD

البيانات في الـ
Schedule Panel
والـ SLD لازم
يكونوا زي بعض
فلو غيرت أرقام
اللينيات أو أحمالها
أو قدرتها أو أي
حاجة ثانية لازم
تغيرهم في الكل

الخطوة السابعة

وضع الأبعاد Dimension

خطوات التنفيذ على الكار (انذار الحريق)



هتأخذ الأبعاد
Dimension
للحساسات
Detector والكواسر
Call Point
والانذار
Repeater و الـ
Alarm
Panel

27 مجازة!

Shop drawing

Cable Trays & Cable Trunks Shop drawing



<https://youtu.be/1cRvL0pc150>

الخطوة الرابعة

رسم حوامل التريجات Tray Support كل متر ونصف

الخطوة الخامسة

تقطيع سكاشن بمسار التريجات عند كل تغيير في الكابلات او في عرض التري او عدد الطبقات Layer

الخطوة السادسة

وضع المشاورات على التريجات بما تحمله من كابلات مع ذكر بداية ونهاية الكابل

الخطوة السابعة

وضع الأبعاد للتريجات من حافة التري

Cable Routing Shop Drawing

هنعمل Shop Drawing للـ Cable Tray بالنسبة لكهربا ولا Cable Trunk بالنسبة للتيار الخفيف وخطوات عمل لوحات الـ Shop Drawing كالاتي:

الخطوة الأولى

مراجعة حسابات التصميم وأي تغييرات في مساحة مقطع الكابلات قد تؤثر على عرض التري

الخطوة الثانية


رسم التري بالأبعاد النهائية بعد المراجعة والتأكد من مسارات حوامل الكابلات (التريجات)

الخطوة الثالثة

مراجعة مسارات الكابلات فوق التريجات بحيث تتجنب التقاطعات وفي حالة التقاطعات يمكن تفريع مسارات جديدة او استخدام اكثر من Layer

الخطوة الرابعة


هرسم التيش او ال Tray Support كل متر ونص هشتغل ببلوك جاهز هحطه على اول التراي وهشده وهسحبه وهوا هيكرر نفسه كل متر ونص ولو فيه زيادة في ال Support هشد السهم عكس الاتجاه اللي عملته



الخطوة الثانية

هترسم التريجات بالأبعاد النهائية وهتأكد من مسارها انها تكون ماشية في الكوريدور ومكونش معديه في السلم او في الحمامات او ال Wet Area

الخطوة الثالثة



هراجع مسارات الكابلات اللي ماشية على التريجات ميكونش فيها Crossing ولو فيه Crossing ممكن استخدم اكثر من Layer

فيديو بيشرح تركيب التراي Cable Tray Installation

<https://youtu.be/EG2OgbVLwAQ>


YouTube

فيديو لتريجات مترتبة في مشروع

<https://youtu.be/Fa4iKnnCwLE>

الخطوة الخامسة

هعمل سكشن في الاول عشان اعرف ايه الكابلات اللي ماشية وبعمله تاني لو اتغير عدد الكابلات او عرض التراي او عدد الـ Layer



هحط السكاشن على التريجات في لوحة الـ Shop Drawing زي كذا (اتجاه السهم بيوضح لما تعمل قطع للتراي هتبص فين) وهعمل بلان مخصص للسكاشن بكل التفاصيل

دا البلان الخاص بالسكاشن، شكل السكشن بيكون بالمنظر دا ، دا السقف اللي هعلق فيه التيش Support ودا التراي والكابلات اللي فيه (خد بالك من ترتيب الكابلات جوة التراي) بحط معاهم شيت اكسل فيه كل التفاصيل الخاصة بالكابلات عددها ومساحة مقطعها وطولها ورايحة فين وجاية مينن والـ V.D الخ.....



TABLE (6-6)

CABLE TAG	FROM	TO	CABLE SIZE (mm ²)	CABLE TYPE	Length (m)
EF1-8-1-09	EMCP-C03-B2-LS01	FOR JET FAN	2(3Cx4)+1Cx4(E)	FR+FR(E)	87
EF1-8-1-10	EMCP-C03-B2-LS01	FOR JET FAN	2(3Cx4)+1Cx4(E)	FR+FR(E)	90
EF1-8-1-11	EMCP-C03-B2-LS01	FOR JET FAN	2(3Cx4)+1Cx4(E)	FR+FR(E)	110
EF1-8-1-12	EMCP-C03-B2-LS01	FOR JET FAN	2(3Cx4)+1Cx4(E)	FR+FR(E)	105

دا شيت الاكسل الخاص بالكابلات


هعمل شيت الاكسل الخاص بالكابلات وهنسخه وهطه في الكاد تحت السكشن (هخلي حجمه مناسب)، هكمل باقي السكاشن (هنسخ السكشن وشيت الاكسل وهعدل عليهم)

بالنسبة لشيت الاكسل لو عايز تعدل عليه بعد ما نسخته دوس عليه كليك يمين واختار OLE و Open هيفتحك الشيت في برنامج الاكسل وعدل عليه براحتك

TABLE (1-1)								
CABLE NO.	CABLE TAG	FROM	TO	CABLE SIZE (mm ²)	CABLE TYPE	OVER ALL DIAMETER (mm)	TRAY SIZE (mm)	FILLING RATIO (%)
1	F3-4-8	DP-C03-B1-01	DISCONNECT SWITCH FOR DC SYS	(2x50)+1x25 (E)	CU/XLPE/LSOH+CU/LSOH(E)	36.00	300x100	24.00%
2	F3-4-9	DP-C03-B1-01	DISCONNECT SWITCH FOR DC SYS	(2x50)+1x25 (E)	CU/XLPE/LSOH+CU/LSOH(E)	36.00		
						72.00		

الخطوة السابعة



نرجع لبلان التريهمات هعمل مشاورة للتريهمات Tag، هكتب فيها عرضه وارتفاعه وجاي منين ورايح فين وهعمل كمان مشاورة للكابلات اللي ماشية في التراي




الخطوة الخامسة

تنفيذ لومة السكاشن

من ال Dynamic Block بتاع التراي هختار عرض التراي (وهضبط ال Support على حسب عرض التراي) ومن ال Dynamic Block بتاع الكابلات هختار عددها ومساحة مقطعها، هرص الكابلات في التراي هسيب مسافة بين حافة التراي والكابل تساوي نص قطر الكابل وبين الكابل والكابل هسيب مسافة تساوي قطر الكابل الكبير وهسمي الكابلات وهو صف التراي)



Cable Trunk




Cable في نظام الداتا بنشتغل بـ **Trunk** لحد المخارج بعد كذا بشتغل بمواسير ، برص كابلات الـ CAT في الترانك جنب بعض مش بسبب مسافات عشان ملهاش مجال يسخن الكابلات زي كابلات الكهرا

بحسب الترانك عن طريق شيك اكسل بدخل قطر الكابل 6 مم لو CAT6 و 5.3 مم لو CAT5 وبدخل عدد الكابلات بناء على عدد المخارج وبدخل ارتفاع الترانك 50 او 100 مم والاكسل بيحسب عرض التراي وبجيب اقرب Standard

CABLE TRUNK		TRUNK FILLING CAPACITY	
Cable Diameter (mm)	Number of cables	DEPENDING ON 40% FACTOR OF OCCUPANCY:-	
6	60		
Trunk Height (mm)		GENERAL EQUATION:-	
100		$N \times A_c = F A_T$	
Trunk Width (mm)		$N \times \frac{\pi D_c^2}{4} = F \times W \times H$	
42.41			

الخطوة السابعة

وضع الأبعاد للتريحات من حافة التراي



هتعمل Dimension للتريحات من حافة التراي مش من السنتر زي الأنارة والبرايز

كابل ترمو

سلك انارة

ملاحظة



احيانا الاستشاري بيطلب اننا نغذي الانارة والبرايز بتراي في الحالة دي هنخلي الـ Home Run تريحات وعند الكشافات والبرايز هطلع من التراي بمواسير وهنشتغل بكابل ترمو (3core ، 4 مم 2) بدل السلك (3 اطراف) وهعمل التراي Layer فوق بعض

Templete from
slidesmania.com

FONT USED

Changa

Aref Ruqaa

Patrick Hand

Reem Kufi Ink

Berlin Sans FB Demi

Bernard MT Condensed

تَمِيمٌ
بِالْحَمْدِ لِلَّهِ